


世界書局印行

景印
摘藻堂

四庫全書薈要

經部
第七十四冊
四書類





本冊目次

書

名

及

撰

人

卷

次

頁

次

四書通旨六卷 元朱公遷撰

四書纂箋二十九卷 元詹道傳撰

七五——一

七五——一七三

欽定四庫全書薈要

經部
四書通旨卷一

詳校官主事銜臣徐以坤

欽定四庫全書

四書通旨目錄

卷一

天

天地

命

性

仁

義

禮

智

信

仁義禮智

欽定四庫全書

四書通旨
目錄

仁義

仁知

禮義

知仁禮

知仁勇

卷二

德

道德

中

中和

中庸

敬
附恭
附戒懼慎獨

一

誠

心	身	志	意	思	情	耻	樂	好惡	剛	勇	道	孝弟	忠恕	忠信	聖	氣	氣質	才	鬼神	禮樂	樂	禮制	權	人	人品	道統	堯舜禹湯文武周公	孔子	孔門弟子
		附志氣			附性情							又見人倫類	恕					附才德	附神										
欽定四庫全書		四書通旨		目錄		二		卷三																					

子思	孟子	古今人物	大人	君子	士	善人	狂狷	鄉原	君子小人
卷四	教	學	行	知	師道	義利	附利	喪祭	附葬
文	言行	過	名聞	節操	異端	卷五			

欽定四庫全書

四書通旨

目錄

三

人倫

父子

又見孝弟類

君臣

君位

君道

又見治道王道

臣道

附賓師

朋友

名分

世俗

知人

用人

交際

義命

富貴貧賤

困窮患難

辭受取予

卷六

出處去就

治道

又見君道王道

臣

等謹按四書通旨六卷元朱公遷撰公遷即

作詩傳疏義者是編之例取四書之文條分縷

析以類相從凡為九十八門每門之中又以語

意相近者聯綴列之而一一辨別異同各以右

明某義云云標立言之宗旨蓋昔程子嘗以此

法教學者而公遷推廣其意以成是書其間門

目既多間涉冗碎故朱彞尊經義考謂讀者微

嫌其繁又如樊遲請學稼不過局於末業乃列

之於異端門與許行同譏上士一位中士一位

下士一位本周室班爵之制乃列之於士門與

處士一例亦頗傷踳駁堯舜禹湯文武周公孔

子孔門弟子子思孟子諸門以人隸事體近類

書尤為無所發明然於天人性命之微道德學

問之要多能剖其疑似詳其次序使讀者因此

證彼渙然冰釋於學者不為無助要非融會貫

通不能言之成理如是也所引諸家之說獨稱

饒魯為饒子其淵源蓋有自矣明正統中何英

作詩傳疏義序稱永樂乙酉因閱四書通旨而

語及疏義則是書行世在疏義之前顧明以來

說四書者罕見徵引近通志堂經解始刊行之

蓋久微而復出也句下間列異同如喜怒哀樂

一條謂右以體言而註亦曰以性言允執其中

一條謂右以用言而註亦曰以事理言如是者
不一疑刊是書者叅校諸本所附非公遷之舊
其出自誰手則不可考矣乾隆四十年二月恭
校上

總纂官臣紀昀臣陸錫熊臣孫士毅
總校官臣陸費墀

欽定四庫全書薈要卷三千一百二十經部

四書通旨卷一

元朱公遷 撰

天

維天之命於穆不已蓋曰天之所以為天也中庸二
十六章

上天之載無聲無臭中庸
卒章 天何言哉四時行焉百物

生焉天何言哉陽
貨

右以理言在天之天也

愚謂於穆不已與無聲無臭是指其本體言聖人
之德與之相配者如此四時行百物生是即其功
化言聖人之教與之相似者如此穆之一字即是
天何言即是無聲無臭形容天道之妙皆有為而
發也○又案在天之天天人相對質諸鬼神而無
疑知天也其所知者亦在天之天也

浩浩其天中庸三
十二章

右以理言在人之天也天人
相合

下學而上達知我者其天乎憲問知其性則知天矣存其心養其性所以事天也上盡心思知人不可以不知

天中庸二十章

右以理言事物所以然之故也亦曰在人天之天天人相貫

愚謂此與命以理言者相貫乃衆理之總原萬殊

之一本即造化而在造化即人心而在人心即事

物而在事物在聖人則與之渾然而為一在君子

則知天屬乎知致知求以明乎此也事天屬乎行

欽定四庫全書

四書通旨

力行求以合乎此也

獲罪於天無所禱也八偷樂天者保天下畏天者保其

國梁惠王下順天者存逆天者亡離婁下

右以理言事物所當然之則也

莫之為而為者天也○非人之所能為也天也並萬章上

富貴在天顏淵若夫成功則天也梁惠王下吾之不遇魯

侯天也梁惠王下

右以分定言

愚謂此亦在天之天雖以理言而實兼乎氣者也故與命以氣言者相貫餘凡所謂不怨天與此類同

故天之生物必因其材而篤焉故栽者培之傾者覆之

中庸十舜有天下也孰與之曰天與之○天與賢則

與賢天與子則與子○天視自我民視天聽自我民聽

並萬章上

右以主宰言

欽定四庫全書

四書通旨

愚謂凡自天意而言者皆以主宰言孔子重言天

厭之及天生德天未喪斯文孟子言天位天職天

祿天未欲平治天下及引詩書所言天作孽畏天

威皆足此類此與命以福祚言者相貫

惟天為大惟堯則之伯泰高明配天中庸二溥博如

天中庸三凡有血氣者莫不尊親故曰配天同上

右兼形體與理言

愚案所指之天以形體言而聖人與之相準相配

相似者以理言蓋理之天未嘗離乎形體之天也

○餘有專以形體言者易辨此不錄

天地

建諸天地而不悖

中庸二十九章

右以理言

天地之道可一言而盡也其為物不貳則其生物不測
天地之道博也厚也高也明也悠也久也今夫天斯昭
昭之多及其無窮也日月星辰繫焉萬物覆焉今夫地

欽定四庫全書

四書通旨
卷一

一撮土之多及其廣厚載華嶽而不重振河海而不洩

萬物載焉今夫山一卷石之多及其廣大草木生之禽

獸居之寶藏興焉今夫水一勺之多及其不測黿鼉蛟

龍魚鼈生焉貨財殖焉

中庸二十六章

萬物並育而不相害

道並行而不相悖小德川流大德敦化此天地之所以

為大也

中庸三十一章

右以功化言

愚案二章皆因論聖人而以天地之道明之但前

章因至誠無息而言故以流行不息者為體發育

之盛多者為用後章因小德大德而言故以發育

流行之各有條理者為用發育流行之渾浩無窮

者為體也○又案自天地之道言之則其道為至

極故曰此天地之所以為大也自道之全體言之

則雖天地亦有不能盡故曰天地之大人猶有所

憾○餘有專以形體言者易辨此不錄

命

欽定四庫全書

四書通旨
卷一

維天之命於穆不已

中庸二十六章

五十而知天命

為政

右以理言指其命之在天者而言也

顧諟天之明命

大學傳首章

畏天命

季氏

右以理言自其命之於人者而言也

愚謂顧之則無間斷聖人之事也畏之則無怠慢

君子之事也

天命之謂性

中庸首章

子罕言利與命與仁

子罕

右以理言通貫天人而言也

愚謂中庸正言理而氣在其中語則約舉其槩也

莫之致而至者命也

萬章上

孟子曰莫非命也順受其

正是故知命者不立乎巖牆之下盡其道而死者正命

也桎梏死者非正命也

盡心上

君子行法以俟命而已

矣

盡心下

君子居易以俟命

中庸十章

不知命無以為

君子也

堯曰

右以氣言兼言氣之長短厚薄不齊者

死生有命

顏淵

不幸短命死矣○亡之命矣夫

並雍也

欽定四庫全書

四書通旨

六

右以氣言專言氣之長短不齊者

愚謂顏淵蚤死是得氣之短者伯牛惡疾是又於

氣之短者之中得其乖戾不和者皆於莫之致而

言命若桓魋作亂而果得死則死於桎梏而非正

命矣子夏亦引夫子之說而以命言固非聖言之

本旨也

得之不得曰有命

萬章上

求之有道得之有命

盡心上

道之將行也與命也道之將廢也與命也公伯寮其如

命何

憲問

賜不受命

先進

右以氣言專言氣之厚薄不齊者

愚案賜不受命則專自貧富而言餘三條則通自

窮通得喪而言大同小異也

仁之於父子也義之於君臣也禮之於賓主也智之於

賢者也聖人之於天道也命也有性焉君子不謂命也

盡心下

右以氣言兼言氣之清濁厚薄不齊者

欽定四庫全書

四書通旨

七

口之於味也目之於色也耳之於聲也鼻之於臭也四

肢之於安佚也性也有命焉君子不謂性也

盡心下

殀

壽不貳修身以俟之所以立命也

盡心上

右兼理氣言

愚謂貧賤而知有分則是氣富貴而知有品節則

是理此性也有命之說不徇私以滅理是命於理

者我能立之不縱欲以傷生是命於氣者我能立

之此修身立命之說二章皆以理御氣皆以理制

欲也○又案知命以知言俟命以行言立命兼知

行言行法以德行言居易以事理言殀壽不貳即

是知命修身俟之即是俟命合知命俟命即是立

命知命俟命則命在天立命則命在我

故大德者必受命

中庸十
七章

天命靡常

離婁
上

周雖舊

邦其命維新

大學傳
二章

武王末受命

中庸十
八章

峻命不

易○惟命不于常

並大學
傳十章

右以福祚言

欽定四庫全書

四書通旨
卷一

八

愚謂此與天以主宰言者相資天心之所嚮即天

命之所在也若永言配命則又略兼天理而言之

故配命二字與求福對○餘有軀命辭命命令之

命不具

性

夫子之言性與天道

公冶

君子所性雖大行不加焉雖

窮居不損焉分定故也君子所性仁義禮智根於心其

生色也睟然見於面盎於背施於四體四體不言而喻

盡心
上

成已仁也成物知也性之德也

中庸二
十五章

盡其

心者知其性也知其性則知天矣存其心養其性所以

事天也

盡心
上

君子尊德性而道問學

中庸二
十七章

仁之

於父子也義之於君臣也禮之於賓主也智之於賢者

也聖人之於天道也命也有性焉君子不謂命也

盡心
下

右言性自理而言

非專論性

正言人心之理而事物

之理在其中也

愚案子貢舉夫子所言之大凡則汎以人心之理

欽定四庫全書

四書通旨
卷一

九

言之也孟子以性之全體言故謂仁義禮智根於

心子思即誠之體用言故以仁知皆為性之德謂

之德性者本其得於天而言也謂之性之德者自

其蘊諸我而言也尊之則為存心之事知之養之

則為知行兼盡之事知其有性而不謂之命則為

以理御氣之事

天下之言性也則故而已矣故者以利為本所惡於智

者為其鑿也如智者若禹之行水也則無惡於智矣禹

之行水也行其所無事也如智者亦行其所無事則智亦大矣天之高也星辰之遠也苟求其故千歲之日至可坐而致也

離婁下

右言性自理而言非專論性通言事物之理而人心之理在其中也

形色天性也惟聖人然後可以踐形

盡心上

右言性自理而言非專論性專主吾身之理言之也

好人之所惡惡人之所好是謂拂人之性

大學傳十章

欽定四庫全書

四書通旨

右言性自理非專論性自其所發而言之也

愚謂此本是情而謂之性者情近乎私故以性言之亦以見情之根乎性而非二物也

口之於味也目之於色也耳之於聲也鼻之於臭也四肢之於安佚也性也有命焉君子不謂性也

盡心下

動

心忍性

告子下

右言性自氣稟食色而言非專論性

愚謂不謂性兼為富貴貧賤者言之動心忍性專

為困窮患難者言之

以上皆非特地論性而推其語意脈絡則所謂性者各有所指也

孟子道性善

滕文公上

告子曰生之謂性孟子曰生之謂

性也猶白之謂白與曰然白羽之白也猶白雪之白白雪之白猶白玉之白與曰然然則犬之性猶牛之性牛之性猶人之性與○性猶杞柳也義猶桮棬也以人性為仁義猶以杞柳為桮棬孟子曰子能順杞柳之性而

欽定四庫全書

四書通旨

十二

以為桮棬乎將戕賊杞柳而後以為桮棬也如將戕賊杞柳而以為桮棬則亦將戕賊人以為仁義與率天下之人而禍仁義者必予之言夫○性猶湍水也決諸東方則東流決諸西方則西流人性之無分於善不善也猶水之無分於東西也孟子曰水信無分於東西無分於上下乎人性之善也猶水之就下也人無有不善水無有不下今夫水搏而躍之可使過顙激而行之可使在山是豈水之性哉其勢則然也人之可使為不善其

性亦猶是也○性無善無不善也或曰性可以為善可
以為不善是故文武興則民好善幽厲興則民好暴或
曰有性善有性不善是故以堯為君而有象以瞽瞍為
父而有舜以紂為兄之子且以為君而有微子啟王子
比干今曰性善然則彼皆非與孟子曰乃若其情則可
以為善矣乃所謂善也若夫為不善非才之罪也惻隱
之心人皆有之羞惡之心人皆有之恭敬之心人皆有
之是非之心人皆有之惻隱之心仁也羞惡之心義也

恭敬之心禮也是非之心智也仁義禮智非由外鑠我
也我固有之也弗思耳矣故曰求則得之舍則失之或
相倍蓰而無算者不能盡其才者也詩曰天生蒸民有
物有則民之秉夷好是懿德孔子曰為此詩者其知道
乎故有物必有則民之秉夷也故好是懿德

並告
子上

右孟子論性專以理言告子之徒論性專以氣言

專論

性

愚謂此皆特地論性者然於告子生之謂性則折

之性猶杞柳則責之皆引而未發之辭也湍水之
說則略加辨明發其端矣猶未盡其蘊也及公都
子連引三說以質其疑然後究言之而向之所以
語告子者其旨益明蓋告子不求諸心故孟子之
言略公都子篤信孟子故孟子之言詳也食色一
章亦皆折之之語但其意則專辨義外之非故與
此四章不同

性相近也習相遠也

陽貨

右兼氣質言

天命之謂性

中庸一章

惟天下至誠為能盡其性能盡其

性則能盡人之性能盡人之性則能盡物之性

中庸二
十二章

右兼人物言

愚謂對相近之性而言則天命之性為天地之性
對性善之性而言則天命之性以理言而氣在其
中蓋率性謂道是理之同也修道謂教以氣之同
也至誠盡性章以已之性對人物之性而言之則

性之本雖同而氣稟則有不可得而同者矣

自誠明謂之性

中庸二
十一章

堯舜性之也

盡心上

堯舜性

者也

盡心
下

右以天理自然而言

愚謂此性字非指性而言乃所以性其性也但性之性者是性其性誠明謂性是性其誠指其人而言曰性者自其率性而言曰性之

仁

欽定四庫全書

四書通旨
卷一

十四

仁也者人也合而言之道也

盡心
下

仁者人也親親為

大

中庸二
十章

右以天理言仁者人身之天理也

愚謂子思以生理言孟子以所以為人之理言子思欲人推之而有序孟子欲人體之而不違生理即天地生物之心所以為人之理即器中之道物中之則也○又案修道以仁以仁之全體言仁者人也以仁之名義言親親為大以仁之事實言

仁人心也

告子上

右以德性言仁者本心之全德也

北溪陳氏謂此以
理言雙峰饒氏謂

此以
性言

餘如巧言令色鮮矣仁是做戒學者之辭我欲仁斯仁至矣是勉進學者之辭而所謂仁者皆以德性言也○又如尊爵安宅之語亦是就德性而形容之若論其章旨則矢人豈不仁一章是汎以仁道言不得謂之專以德性言也

欽定四庫全書

四書通旨
卷一

十五

若聖與仁則吾豈敢

述而

回也其心三月不違仁其餘

則日月至焉而已矣

雍也

雍也仁而不佞子曰馬用佞

禦人以口給屢憎於人不知其仁焉用佞○孟武伯問子路仁乎子曰不知也又問子曰由也千乘之國可使治其賦也不知其仁也求也何如子曰求也千室之邑百乘之家可使為之宰也不知其仁也赤也何如子曰赤也束帶立於朝可使與賓客言也不知其仁也並公治克伐怨欲不行焉可以為仁矣子曰可以為難矣仁

則吾不知也憲問

右以成德言仁者心德之全也

陳氏謂此以心言饒氏謂此以德言又謂

此以盡性言

愚承先君子之教曰仁之一字以成德言者不易

言蓋無所不體而自然不息者聖人也能全體之

而不免有息者亞聖者也體之未必能全而息之

之時又多者仲弓子路以下是也若原憲之克伐

怨欲不行而遽以為仁則非惟未加不息之功而

欽定四庫全書

四書通旨
卷一

十六

實不知全體之妙矣斯義也雙峰饒子發其端云

○又案指仁之全體而言則為自然之德性自人

能全體不息之而言則為體道之成德此皆專言

之仁皆可謂之以德言也

夫仁者已欲立而立人已欲達而達人雍也

右以其愛之所存而言

朱子曰克己復禮是心之德立人達人是愛之理

愚謂此自仁者之心主乎愛之理而形容之非指

愛之見於外者故集註以為狀仁之體意與子貢

無加諸人者同皆是以已及人之仁但夫子是順

言其所欲子貢是反言其所不欲

惻隱之心仁之端也

公孫丑上

惻隱之心仁也

告子上

右指其愛之所發而言

亦曰以用言

餘如肫肫其仁亦是此類是則偏言之仁也若孟

子言人皆有所不忍達之於其所忍仁也此又因

其所發主乎擴充之功而言也

欽定四庫全書

四書通旨
卷一

十七

親親仁也

盡心上又告子下

仁之實事親是也

離婁上

仁者

人也親親為大

中庸二十章

孝弟也者其為仁之本與

學而

樊遲問仁子曰愛人

顏淵

君子之於物也愛之而弗

仁於民也仁之而弗親親親而仁民仁民而愛物

盡心上

右以其愛之所及而言

亦曰以用言亦曰以道言亦曰以事實言

愚謂愛親是愛之所由立愛人愛物是愛之所由

施皆偏言之仁也

彭氏名圭字孟圭

曰親親仁也與

仁之實是指良心之著見而言之其餘則自推行

仁道而言之

伯夷叔齊何人也曰古之賢人也曰怨乎曰求仁而得

仁又何怨

述而

微子去之箕子為之奴比干諫而死孔

子曰殷有三仁焉

微子

三子者不同道其趨一也一者

何也曰仁也

告子下

右以事言

愚案孔子許三仁夷齊是就其處事處許之以仁

孟子許三子是就其存心處許之以仁孔子是因

欽定四庫全書

四書通旨
卷一

十八

其處事而知其心之仁孟子是因論出處而引三

子之事以明仁人之心也然夷齊三子迹無可疑

三仁之事則似反乎仁而實得乎仁故集註之說

各不同

子罕言利與命與仁

子罕

為人君止於仁

大學傳三章

苟

志於仁矣無惡也○觀過斯知仁矣○仁者安仁知者

利仁○君子去仁惡乎成名

並里仁

志士仁人無求生

以害仁有殺身以成仁

衛靈公

君子而不仁者有矣夫

未有小人而仁者也

問憲

人而不仁如禮何人而不仁

如樂何

八佾

不仁而得國者有之矣不仁而得天下未

之有也

盡心下

右兼人心事理言

亦曰汎以仁道言

愚案子罕言仁是汎舉其大槩若殺身成仁則就

死生患難而言之安仁利仁君子去仁則就富貴

貧賤而言之此皆即其處事言而存心在其中其

餘六條則自存心言而處事在其中皆專言之仁

欽定四庫全書

四書通旨
卷一

十九

也

剛毅木訥近仁

子路

右以質言

顏淵問仁子曰克己復禮為仁一日克己復禮天下歸

仁焉為仁由己而由人乎哉顏淵曰請問其目子曰非

禮勿視非禮勿聽非禮勿言非禮勿動顏淵曰回雖不

敏請事斯語矣○仲弓問仁子曰出門如見大賓使民

如承大祭已所不欲勿施於人在邦無怨在家無怨仲